

Broj: 01-02-253/21
Sarajevo, 02.04.2021. godine

VLADA FEDERACIJE BIH

n/r gospodina Fadila Novalića,
premijera

**PREDMET: INFORMACIJA O EPIDEMIOLOŠKOJ SITUACIJI COVID-19 U
FEDERACIJI BIH NA DAN 22.03.2021. GODINE SA
PRIJEDLOMOM NAREDBI I PREPORUKA KRIZNOG ŠTABA
FEDERALNOG MINISTARSTVA ZDRAVSTVA**

Na osnovu člana 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH na 20. redovnoj sjednici održanoj 30.03.2021. godine razmatrao Informaciju o epidemiološkoj situaciji Covid-19 u Federaciji BiH na dan 22.03.2021. godine sa prijedlogom naredbi i preporuka Kriznog štaba Federalnog ministarstva zdravstva i usvojio sljedeći

ZAKLJUČAK

1. Predstavnički dom Parlamenta FBiH zadužuje Vladu FBiH da hitno donese odluku kojom će propisati utvrđivanje marži na naftne derivate na način da se privrednim društvima koja obavljaju djelatnost trgovine na veliko naftnim derivatima propiše maksimalna veleprodajna marža u apsolutnom iznosu od 0,06 KM/litru derivata, a privrednim društvima koja obavljaju djelatnost trgovine na malo naftnim derivatima propiše maksimalna maloprodajna marža u apsolutnom iznosu u visini od 0,25 KM/litru derivata.
2. Predstavnički dom Parlamenta FBiH zadužuje Vladu FBiH da hitno donese mjere neposredne kontrole cijena osnovnih životnih namirnica i osnovnih higijenskih proizvoda kroz utvrđivanje maksimalnih marži na iste.
3. Predstavnički dom Parlamenta FBiH nalaže Vladi FBiH, Ministarstvu zdravstva FBiH i Kriznom štabu FBiH ograničavanje cijena laboratorijskih nalaza, testova i svih drugih usluga vezanih za dijagnostiku i liječenje koronavirusa u svim zdravstvenim ustanovama na području entiteta.
4. Predstavnički dom Parlamenta FBiH zadužuje Vladu FBiH da u roku od tri dana uspostavi efikasan sistem registracije zainteresiranih građanki i građana za vakcinaciju.